

ԿՏԱԿԱՐԱՐՔ ԵՒ ՆՈՒԻՐԱՏՈՒՔ

Ա

ԱՐՄԷՆ ՔՀ. ՄԱՆԴԱԿՈՒՆԻ, ԱՅՆԹԱՊՑԻ.— 1904ին դանազան հաստատութիւններու կտակած է 12000 ըուրլի, որուն տոկոսներէն Ս. Յակոբի վանքը պիտի ստանայ կարևոր բաժին մը: Կտակագիրին համաձայն, Ամենայն Հայոց հայրապետը, Կիլիկիոյ կաթողիկոսը և Երուսաղէմի ու Կ. Պոլսի պատրիարքները կամ անոնց փոխանորդները պիտի մատակարարեն սոյն կտակը (Արձնգր. Տն. ժողովի, նիստ ԼԶ. 1907, էջ 76):

ԱԻԵՏԻՔ ՏԷՐ ՍԱՐԳԻՍԵԱՆ, ՊՈԼՍԵՑԻ.— Որդի Սահակ ֆն.ի, դպրապետ Միջագիւղի Ս. Աստուածածին եկեղեցիին, 1907ին Մանկունի Վահրամ արքեպս.ի ձեռքով հետեւեալ ձեռագիրները և հնութիւնները կը նուիրէ Ս. Յակոբի մատենադարանին և թանգարանին.

— Խազգիրք, Ժառագիրք և Տաղարան ի թուին հայոց ՊՂԲ (= 1443).

— Մագաղաբեայ խնդրագիր մը, Աղեքսանդր կթղ.ի ուղղուած (տպ. յԱմսթէրտամ), ի թուին 1714, և ի թուին հայոց 1163.

— Խառն դրամներ, հին և հետաքրքրական, թուով 103, որոնց մէջ կը գտնուի Հեթում թագաւորին դրամը:

Եղիսյական հեռոքիւնքի և բժժանքի. թուով երեք, (Արձնգր. Տն. ժողովի, նիստ Լ. 1907, էջ 62):

ԱԻԵՏԻՍ ՂՈՒԿՍՍԵԱՆ ՇՈՒՇԵՑԻ.— Ծ. 1837 ին. ուսումը կ'ստանայ տեղւոյն վարժ.ին մէջ, առևտրական գործով կ'զբաղի Մոսկուա, Նուխի, Շուչի և Բագուի մէջ. կը պարապի նաև նաւթի վաճառականութեամբ. 1892ին Բագուէն կը փոխադրուի Թիֆլիս. իր բարեգործութիւններն ասոնք են.

— Բագուի Մարդասիրական Ընկերութեան բնակարանին վերանայարկին դահլիճին շինութիւնը: